

四庫全書

集部

欽定四庫全書

江湖小集卷六

宋 陳起 編

釋紹嵩江浙紀行集句詩

列岫亭書事

極浦遙山合翠微
週迴秀色自清機
長江淡淡吞天去
白鳥翩翩接翅飛
屐齒苔痕猶故跡
露沙霜樹映斜暉
牧童何處吹羌笛
嚇得巢禽不敢歸

皇甫冉

方干

山谷

曉瑩

誠齋

崔液

韋莊

黃去華

臨川道中悵然有感因作遣情

路傍官河一帶長風飄沙鳥認微茫人生行樂知能幾
世事多虞只自傷破衲捲雲秋漠漠淡煙斜日晚荒荒
不堪吟罷東回首底處青山是故鄉

曉瑩

寶曇

林和靖

呂居仁

徐叔靜

陳與義

鵬來

于湖

疎山途次

路曲山隈一逕通天開地闢幻金宮溪橋裊裊穿黃落
鴈字聯聯寫碧空喚客不須嫌酒惡昔賢何必哭途窮

生涯淡淡隨緣過，休把行藏問化工。

趙紫芝

楊伯子

林和靖

曉瑩

呂居仁

鄭谷

邵康節

張君量

遊信州僊巖

仙境閑尋採藥翁，笋輿乘興得蒿蓬。
山鐘夜度空江水，窻戶涼生薜荔風。
斷臂青猿啼玉筍，斜行白鳥入遙空。
舍南有竹堪書字，借筆題詩却未工。

杜荀鶴

洪駒父

賈島

方干

方干

方干

李賀

于湖

贈李先輩

饑食松花渴飲泉
寂寥芳草茂芊芊
巖邊石室低臨水
窟裏陰雲不上天
難與英雄論教化
等將身世付第壘
無由住得吟相伴
目送歸鴻籬下眠

盧綸

韋莊

韋莊

方干

寶曇

韓偓

杜荀鶴

李頎

走筆代顏西叔次途中即事之什

灑迤前岡壓後岡
鳥鳴山館客思鄉
孤村樹色昏殘雨
滿耳蛙聲正夕陽
對酒已成千里客
懷人空結九回腸
平生憂患諳償徧
迴避紅塵是所長

韋莊
盧綸

薛逢
洪景廬

盧綸
張君量

鵬來
韓偓

再代和通字韻

驛路穿林斷復通
客程蛇亂繞山中
三杯軟飽千林暝
萬事從來一笑空
珍重故人相問意
自憐羈客尚飄蓬
江湖易有淹留興
已許滄浪伴釣翁

方干
誠齋

杜荀鶴
溫飛卿

張君量
鄭谷

陳克
張君量

贈張炳

恠服先生衆駭聞
賣刀買犢便耕耘
碁功過却楊玄寶

賦詠思齊鄭廣文直為篇章非動衆忽攜書劍遠辭羣
行行快趁風煙閣得句不妨時策勲

翁元廣

汪彥章

方干

鄭谷

方干

章莊

趙昌國

張君量

題德夫劉公江亭

兄弟將知大自強
南山霧裏晦文章
睡輕可忍風敲竹
語妙何妨石作腸
碧瓦朱甍占肅爽
紫蘭紅藥共淒涼
漁舟去後天將夕
月入波心碎夜光

杜荀鶴

山谷

鄭谷

山谷

洪龜父

劉原父

誠齋

劉改之

代和韻

石路無塵竹徑開
幽園尋勝獨登臺
橋邊野水通漁路
城上秋山入酒盃
紫闥青雲俱未遂
紅顏白髮遞相催
悠悠蘭渚動歸思
歸思臨高不易裁

溫飛卿

李彭

林和靖

方干

汪信民

韓偓

祖可

曹松

偶成

誰復知予懶是真
平生自信解甘貧
苦無名位高今世
為有煙霞伴此身
長掩柴扉避寒暑
猶將談笑對風塵

只今那得王摩詰狀取湖江太古民

晚瑩
鮑防

鄭谷
司馬溫公

林和靖
陳與義

高駢
林和靖

南山書懷

日色今朝分外明湖光浩氣共澄清
鳥啼綠樹穿花影水泛青山入古城
眼下見榮還見辱病中嫌雨又嫌晴
衰遲自喜添詩學三十年來掉臂行

晚瑩
邵康節

方干
誠齋

曾鞏
鄭谷

陳與義
邵康節

西湖晚步偶成呈曾君舉司戶

山引千巖翠作堆鐘鳴樓閣晚雲開魚吹鑑面暈痕盛
人過橋心倒影來要聽劇談飛木屑便期攜手上春臺
世間剛有東流水一洗從前猿鶴哀

王大受

陳無已

翁元廣

溫飛卿

夏倪

鄭谷

溫飛卿

李彭

贈郎德父

衣弊履穿不諱窮籬門和竹夾西東閑棲已合稱高士
發興真成繼庾公人世鶴歸雙鬢上丹霄路在五言中
却須袖取經綸手深入蘆花作釣翁

晚瑩
杜荀鶴

林和靖
方干

林和靖
寶曇

晚瑩
韋莊

酌胡聖聞

別後滄波路幾迷
竹風松雨共淒淒
十年依舊雙瞳碧
四海仍傳一角犀
池上溶溶浮日暖
山中物物是詩題
先生莫道心如鐵
可忍紅英半著泥

韋莊

王令

杜荀鶴

誠齋

陳與義

陳與義

寶曇

喻汝礪

紹興卽事

柳色蔥蔥官渡平
梨花吹雪度清明
山從海岸裝吟景

寺倚雲峯更晚晴
潮水忽生添野水
春城何忍作空城
黃鶯久住渾相識
故作林間求友聲

蘊常

寶曇

杜荀鶴

林和靖

李彭

徐俯

戎昱

劉原夫

蘭亭書事

蒼崖古木靄煙蘿
風俗猶聞晉永和
綠榭碧簷相掩映
青鞋黃帽飽經過
還緣世遇兵戈鬧
頗覺閑消日月多
盤礴幽窻覓詩處
月明天色白連河

祖可

皇甫冉

吳融

洪龜父

杜荀鶴

山谷

張君量

石延年

欽定四庫全書

江湖小集

卷六

六

代次登城之作

上得孤城向晚春，其如衰病只傷神。
鼠肝虫臂窺前輩，虹旆星車委後塵。
兩鬢已霜難諱老，一機何處定非真。
愁來只有賢從事，千里相逢如故人。

杜荀鶴

張君量

寶曇

寶曇

黃華

蘇頌濱

張君量

張耒

慶元道中

臨溪帶柳正依依，落絮因風特地飛。
島上斷雲垂極浦，城頭初角送殘暉。
閑過綺陌尋高寺，謾遶清流欲浣衣。

重到張公泊船處家家扶得醉人歸

邵康節

方干

楊鳧

江為

楊巨源

洪景盧

呂居仁

張濱

留題江亭

晚涼閑步向江亭山色偏於晚有情綵索平時墻婉婉
飛花滿眼句縱橫五峯遙拱千巖秀四水縈紆十里程
鵲噪鴉啼俱喜色望中渾忘是蓬瀛

韓偓

趙昌國

溫飛卿

張君量

張君量

張君量

誠齋

林和靖

答仲寬

強半年光屬苦辛生涯如在舊山貧江南江北閑為客
人去人來恨轉新節裏且追千載事胸中別作一家春
明年此會知誰健不問蒼生問鬼神

杜荀鶴

誠齋

鄭谷

陳無已

杜荀鶴

杜工部

張君量

李商隱

和蔣自然

歲月悠悠一夢中榮枯消得幾何功寧為宇宙閑吟客
豈是江湖把釣翁山口斷雲憐舊路沙邊微雨濕孤蓬
飯餘鼓腹聊行樂立盡疎簾落絮風

朱晦庵

邵康節

杜荀鶴

李彭

崔魯

張耒

巽中

許玠

重經故人舊居

五字研成舉世傳
醉吟朝夕在樊川
江南海北三千里
雨散雲飛二十年
壁上塵黏蒲葉扇
鏡中人入洞庭煙
倦游客子心無際
遐想星軺思惘然

方干

鄭谷

誠齋

溫飛卿

杜荀鶴

韋莊

李彭

張君量

橫翠亭書懷

小葺茅茨紫翠間
門當官道不曾闌
剪裁風月聊堪醉

奔走塵寰出老顏半局殘
碁消白晝千年歸夢滿青山
江城今可徘徊處莫恠頻頻此往還

張耒

章莊

誠齋

翁元廣

康節

蘊常

曉瑩

林和靖

安吉道中

六尺枯藤了此生
青春作伴日同行
牆頭花吐舊枝出
原上人侵落照耕
芳草似袍連徑合
亂山如畫帶溪平
杜鵑知我歸心急
啼了千聲更萬聲

陳與義

曉瑩

總老

章莊

章莊

翁元廣

誠齋

康節

和自然

南北三年一解攜，曾書蕉葉寄新題。
知渠已富江山句，莫譽自成桃李蹊。
坡底詩人梅底醉，雲間秋鴈水間棲。
千巖萬壑時相憶，迢遞尋君夢不迷。

韋莊
誠齋

方干
歐陽永叔

張君量
林和靖

翁元廣
方干

題印上人關外山水圖

一源淳樸異山川，一簇人家起暮煙。
世亂不妨松偃蹇，客程依舊水潺湲。
雲橫新塞遮秦甸，樹蔭澄江入野船。

聞說殺函猶險在為師懷想幾淒然

李彭

柴中行

陳與義

溫飛卿

鄭谷

夏倪

韋莊

林和靖

和自然

客裏唯君數往還笑談終日盡君歡敢將古道為吾事
已作歸心即自寬露草欲隨霜草盡泉聲長帶珮聲寒
月生更愛欄杆影未厭慙懃達曙看

徐俯

晁叔用

方干

林和靖

呂居仁

劉昌詩

蘊常

顏棫

寓龍峯遣興

可要棲身向薜蘿
閑門空掩半庭莎
天寒日暮遊人少
花落僧禪覆地多
六尺屏風遮晏坐
數椽月屋愛岩阿
我今客氣渾消盡
無奈千莖鬢雪何

方干

鄭谷

誠齋

司空曙

陳與義

王子俊

張君量

韓偓

陪趙知府登桃嶺山亭

誰向雲端着此亭
簷前樹木映窻櫺
野田流水濺濺白
芳草隨人段段青
青春服照塵連
草色雲蘿幽信寄
茶經使君領客週
遭看鐘送遙帆落
晚汀

劉褒
溫飛卿

方干
林和靖

繆瑜
誠齋

韓偓
林和靖

贈何知錄

青雲直上路初通
白鳳新詞入聖聰
抵掌劇談吾浪語
連城增價子何窮
共登小閣春風裏
又解征帆落照中
此去優游復吟詠
公餘無惜寄詩筒

方干
陳與義

方干
韋莊

寶曇
杜正獻

陳無已
林和靖

客邸晝寢起而追程

客裏無聊久
合并夢中南北味
平生苦吟風月
唯添病

獨冒烟嵐促去程城外諸峯迎落照花邊白犬吠流鶯
阮途未用嗟漂泊自有孤雲識此情

翁元廣

胡少俊

杜荀鶴

曉瑩

誠齋

方干

翁元廣

方干

和曾俊臣

沉醉無期即是鄉暫偷閑卧老僧床縱遊藉草花垂酒
陳迹題詩蝸篆梁故國山川皆夢寐天涯形貌各昂藏
芭蕉葉上三更雨一陣疎來一陣狂

溫庭筠

鄭谷

鄭谷

李彭

邵康節

陳與義

呂居仁

誠齋

憩顏子子海山別業

羣峯當戶曉嵐晴楊柳風和日聽鶯郭外春山明錦繡
門前弱水即蓬瀛期登野閣閑應甚來慣幽禽近不驚
獨凭欄干意難寫綠桑疎處哺牛鳴

韋莊

杜荀鶴

柴中行

寶曇

賈島

吳融

崔櫓

韋莊

鄒山道中答印上人遊乳竇

鴉啼古木亂雲深地帶河聲足水禽簷雨滴秋殘旅夢
夜堂疎磬發禪心五年乳竇峯前路十里塵媒溪上林

滿目雲山俱是樂故人攜客作幽尋

李彭

韋莊

曉瑩

溫飛卿

寶瑩

翁元廣

康節

曉瑩

春夜書懷

海內艱難各飽更鬢毛寧與化工爭春宵思極蘭燈暗
曉角初吹客夢驚壯思不逢韓吏部絕交益媿孔方兄
到頭詩卷須藏却薄飯麤繒老此生

陳與義

張君量

鄭谷

賈島

晁叔用

翁元廣

杜荀鶴

曉瑩

送黎主簿

及瓜一笑上浮臆孤淡無君得趣長秋月春花入牙頰
錦機繡段出肝腸詩題寺壁雲根濶江送蓬婆雪汗香
丞相舊知為學苦回軒應問石渠郎

曉瑩

林和靖

誠齋

林和靖

鄭谷

誠齋

楊巨源

誠齋

酌王主簿示道中所作

蓼花紅淡葦條黃洛岸秋晴夕照長雪羽襜褕立倒影
酒旗搖曳出疎篁雲邊鴈斷湖邊月圩上人牽水上航
輸與能詩王主簿每行吟得好篇章

鄭谷
溫飛卿

韋莊
誠齋

溫飛卿
山谷

林和靖
韋莊

貽康兼善

遍繞籬邊日漸斜
盡無鷄犬有鳴鴉
風凋古木秋陰薄
煙鎖西山暝色賒
題柱未期歸蜀國
繫船長得傍蘆花
雲林好處欲留脚
要趁新詩挽物華

元稹
韋莊

韓偓
黃華

杜荀鶴
王士俊

張君量
張君量

途次走筆送張明府之都城

原下相逢便別離
故人特地為嗟咨
高灘落日光零亂

春水涵波綠渺瀰，四壁一身長客夢。
三年兩作送君詩，紫垣名士推揚切。
會向天庭振羽儀。

賈島

徐俯

陳與義

林和靖

陳與義

誠齋

鄭谷

翁元廣

途次遇雨和丘德高

白菴黃茅路四通，芙蓉憔悴菊垂叢。
川原繚繞浮雲外，樓閣朦朧細雨中。
蔽野吞村飄不住，重山複水去無窮。
丘郎蠟屐能從我，一任此身同轉蓬。

張君量

張鉞

盧綸

韓偓

方干

林和靖

翁元廣

祖可

題劉唐臣新葺池亭

劉郎瀟灑水為居，水碧山青畫不如。
綠竹可供公子釣，紫鱗時掣季鷹魚。
幽尋勝事烏窺牖，閑卧臨牕燕拂書。
觸目韶華總詩本，放懷端與世情疎。

翁元廣

李彭

韋莊

鄭谷

洪龜父

翁元廣

劉改之

曉瑩

夜題

滿庭松桂雨餘天，病眼開時月正圓。
羅列衆星依木末，安排流水落簷前。
倚松長嘯宜疎拙，隨處何妨且信緣。

白髮青燈兩無語，辦香深炷夜堂禪。

韋莊

方干

溫飛卿
劉改之

方干
蘊常

王子俊
翁元廣

次韻楊判院送春

杏褪殘花點碧輕，殘花含恨脫紅英。
樹連翠篠圍春晝，風入青山送雨聲。
不辦扁舟訪安道，何妨蓮社醉淵明。
如公自是鑿坡具，盍與吾君致太平。

蘇廣
許玠

梁玉
陳克

陳與義
曉瑩

曾鞏
于湖

答朋上人

爭渡行人簇晚沙歸舟天際暮雲遮波生野水鴈初下
竹映寒原日已斜剩欲出門追笑語可堪垂白各天涯
知公頗有竒章病戲墨貽嘲接暝鴉

山谷

李彭

溫飛卿

郎士元

陳無已

許渾

李彭

翁元廣

次韻朱國器秋夜之什

二水犇犇鳴屋除山川澄淨九秋餘故人相見自青眼
病叟中間已白鬚風射破窻燈易滅鶴歸喬木月難呼
政須送與王摩詰畫我憑欄覓句圖

山谷

康節

山谷

陳克

杜荀鶴

方干

饒德操

陳與義

次韻曾俊臣即事

柳暗人家水拍堤
人家隨處有柴扉
草中白道穿村去
門外黃塵撲面飛
返照未沉僧獨往
暮山時見鳥雙歸
風從北戶來拂曙
暗遞花香入客衣

袁詵友

陳與義

方干

晚瑩

林和靖

杜荀鶴

誠齋

崔涯

憩寶園因題池亭

午枕藜床夢忽驚
寶園裏有鶯聲
半生客路逢佳節

萬瓦脚跟開化城，鷓鴣刷毛花蕩漾。
蒲萄上架月縱橫，誰教併向此中見。
清殺詩翁老不勝。

道贊

溫飛卿

陳與義
劉改之

誠齋
晚瑩

翁元廣
誠齋

和陳堯臣

羨君瀟灑有餘清，霜翮摩霄萬里情。
冰雪照人徐孺子，篇章高體謝宣城。
搖窻竹色留僧語，步野風寒散酒醒。
明日岳陽樓上去，不妨談笑又詩成。

歐陽永叔

楊巨源

張君量

鄭谷

翁元廣

陳與義

杜荀鶴

晚瑩

贈聞人必大

未遂青雲一桂科，科名成後竟如何。
貧疑陋巷春偏少，學辨癡龍藝最多。
剩把文章鳴聖代，却思猿鳥共煙蘿。
高吟大醉三千首，他日陽春白雪歌。

杜荀鶴

張君量

胡朝穎

杜荀鶴

章莊

李彭

韓定

饒德操

長日林泉獨醉吟，久貧如得顧家金。
屬文想見翻新樣，執卷猶聞惜寸陰。
世上紛紛蠻與觸，胸中歷歷古兼今。
有時出縱風煙步，多謝攜筇數訪尋。

周虎臣
馬惟良

章莊
曉瑩

翁元廣
翁元廣

鄭谷
鄭谷

江湖小集卷六

欽定四庫全書

江湖小集卷七

宋 陳起 編

釋紹嵩江浙紀行集句詩

曲江野眺

偶來清賞曲江頭人自無言水自流
欲作新詩圖取盡亂峯寒木更孤舟

曉瑩

裴宜直

總老

呂居仁

舟中書事

南昌城郭枕江煙一葦鳴榔下渺然驚起暮天沙上鴈
背人飛過北山前

韋莊

祖可

李涉

王文公

宿山居

中庭淡月照三更環堵翛然表裏清深夜欲眠眠未得
一溪秋水枕邊聲

陳與義

張君量

杜荀鶴

雍陶

仙島江口

浙浙寒流漲淺沙小橋通去路橫斜因尋野渡逢漁舍
夾路松開黃玉花

朱景文

總老

章莊

陳與義

題謝公橋

白雲深處小橋橫流水涓涓古意生多少升沉都不見
至今留得謝公名

王大受

翁元廣

邵康節

杜荀鶴

宿疎山

竹輿穿雨上疎山寒涕垂頤獨掩闌病客欲眠渾不寐
白猿啼在白雲間

呂居仁

蘊帝

王子俊

林和靖

雨後登吸江亭

吸江亭下雨初晴中有樵夫跣足行時作微吟清徹骨
茲游無乃太清生

蘊帝

杜荀鶴

誠齋

翁元廣

次韻吳伯庸竹間梅花十絕

竹間初拆半斜枝，正是周王二月時。
竹映梅花花映竹，主人不剪要題詩。

林敏功

蘓常

誠齋

山谷

孤芳高節共亭亭，子細看似有情春。
色惱人眠不得，移床換枕到天明。

曹緯

林和靖

王介甫

誠齋

一川修竹映疎花，穿竹微吟路徑斜。
更好碧溪深院靜，月和疎影上簷牙。

道智

方干

沈彬

謝逸

自讀西湖處士詩尋芳長恨見花遲
前程笑到山多處
竹裏橫斜一兩枝

陳與義

歐陽永叔

杜荀鶴

毛達可

攜茶時復過幽亭
寄目悠然上杳冥
好是園林爭秀發
梅花白白竹青青

翁元廣

曉瑩

曉瑩

誠齋

雪引春歸竹外梅
慙慙今日一時開
知音未出吳公子

長到花時把酒盃

翁元廣

蘇養直

邵康節

羅鄴

池邊梅映竹邊池
皎月勾添光陸離
堪笑胡雛亦風味
從教橫笛月中吹

誠齋

李彭

林和靖

羅鄴

一度春來一度新
夕陽花塢淨無塵
負暄孤坐松根石
細看橫枝間綠筠

陳執中

陳克

曉瑩

蘊常

日移花影上簾鉤
品格堪憐絕比儔
竹外一枝斜更好
眼明端為小遲留

林梅卿

林和靖

東坡

蘊常

竹與梅花相並枝
月明還見影參差
撚梅細比新詩看
酷似梅花太瘦時

劉言文

王文公

誠齋

寶曇

呈胡伯圖尚書

自挽狂瀾制百川
致君何日不堯年
由來八座尚書貴

盛事駸駸海內傳

于湖

方干

曉瑩

道潛

文章近日合雙行四海蒼生耳已傾地去東南餘咫尺
不勞擬議話圖成

林和靖

魏道輔

曉瑩

翁元廣

韓李流芳獨未泯先生孤唱發陽春惠能伎倆元無有
強到朱門謁近臣

朱晦翁

陳與義

道潛

楊巨源

春日

風流盡付小園春
濃麝分香入四隣
何事晚來微雨後
山花如繡草如茵

李彭

方干

鄭谷

許渾

春日郊行

稠花亂蕊裏江濱
小雨疎疎向晚晴
逋客未能忘野興
春來無處不閑行

杜工部

元絳

秦係

鄭谷

城外春風滿酒旗，吟懷長恨負芳時。
東林夫子知予意，載我而今唱和詩。

白樂天

林和靖

李昭玘

范致虛

芳草斜鋪翡翠茵，舊遊如夢苦傷神。
寒山帶郭穿松路，柳絮梨花寂寂春。

白樂天

楊林

歐陽永叔

周式

春送人家入畫屏，草香沙暖水雲晴。
凝眸不覺斜陽盡，閑恨閑愁觸處生。

盧襄

白樂天

韓偓

王禹偁

忽驚春色二分空
滿地榆錢逐曉風
黃四娘家誰敢道
古來唯有杜陵翁

東坡

俞紫芝

王廷玉

陳括

高竹重林接翠微
夕陽分手柘岡西
莫憂世事兼身事
且逐東風進杖藜

司空之初

正宗

韓退之

道潛

野眺

道是東風不世情
樹頭吹得葉冥冥
憑欄一笑斜陽裏
貪看春山如許青

劉潛夫

誠齋

劉褒

曉瑩

柳繞平湖綠映堤
堤邊柳色更相宜
風來衆綠一時動
不為愁人住少時

蘊常

周知微

陳與義

戴叔倫

道中喜聞百舌

一徑尋村渡碧溪
山花紅紫樹高低
如今天下無鳴鳳

說與春鳥自在啼

韋莊

文與可

張璠

歐陽永叔

遣意

一生生計祇長貧
跡近羣鷗意倍親
舊喜讀書今懶讀
寒灰枯木僅堪倫

賈島

溫飛卿

陳與義

翁元廣

同周湛二上人遊西湖之北山天竺晚歸得十絕

行盡孤山碧四圍春光和暖恰相宜微風披拂香來去
正是羣芳爛熳時

誠齋

曉瑩

李彭

邵康節

山如濃翠擁高鬟石壁巉然不可攀落日鳳城佳氣合
幻成一島畫圖間

祖可

曉瑩

章八元

張君量

和靖先生墳已荒三春花草殿餘芳欄干倚徧斜陽晚
戶牖軒窗總是香

誠齋

誠齋

蘊常

邵康節

山雲收雨半川晴
匠出西湖作畫屏
剩欲題詩寫懷抱
可憐蹤跡似流萍

楊歲之

林和靖

陳克

彭止

湖上山林畫不如
眼明喜見曉光舒
等閑稚子來橫釣
一度擡竿一箇魚

陳與義

顏棫

翁元廣

杜荀鶴

閑來湖上立移時
獨媿憑欄負碧漪
西寺木魚東寺鼓

而今總入老夫詩

曉瑩

林和靖

呂居仁

曉瑩

北山迤邐自蒼然，萬象鮮明禁火前。
愁裡有詩人不會，欄邊瀟瀟響流泉。

曉瑩

溫飛卿

蘊常

翁元廣

天竺橫分景色寬，園林初日破朝寒。
興闌欲下山腰去，野徑縈迴路百盤。

林和靖

陳克

翁元廣

劉昌詩

幽刹尋春傍翠微
幡竿殘日迥依依
西湖兩岸千株柳
何似先教畫取歸

宋庠

韓偓

誠齋

方干

好是春風湖上亭
軒窻小憩俗塵清
湖山有意留儂款
楊柳飛花亂晚晴

戎昱

張君量

誠齋

陳與義

坐夏淨慈戲書解嘲

南屏寄傲且今年
况復相羊得自便
天下無人閑似我

閑中方寸闊於天

晚瑩

晚瑩

誠齋

杜荀鶴

憇南屏

窈窕階除天一方
隔簾時有芰荷香
老僧淪茗供清興
不負西湖五月涼

陳克

呂居仁

謝逸

誠齋

胡伯圖尚書以松山虛席力招補其闕輒辭以
小詩遂獲免

懶性如今成野人
蒼顏白髮不時新
自知潦倒無餘事
乞取山林放曠身

竇鞏

陳克

曉瑩

道潛

散策

楊柳斜牽一岸風
驛樓高倚夕陽東
無窮澗草縱橫綠
入我香奩境界中

方干

章莊

徐師川

陳克

江上雲亭霽景鮮
畫屏展盡一山川
遲遲欲去猶回首

目盡孤烟白鳥邊

李邕

張君量

司空曉

翁元廣

泛湖

六月西湖錦繡鄉
新詩滿眼費平章
移舟水濺差差綠
吹面輕風與送香

誠齋

張君量

鄭谷

蔡襄

西湖晚泛

蘇堤一帶柳陰長
柳外西風特地狂
晚泊孤舟古祠下

自彈別鶴送斜陽

劉棗

誠齋

蘇子美

黃華

宿紹興

小舟夜宿越州城
卧看星河盡意明
漏鼓乍聽連岸響
好風佳月總同盟

蘊常

陳興義

曉瑩

翁元廣

再登蓬萊閣

不到蓬萊又幾時
且搯筇杖看雲移
等閑遇事成歌詠

人道新詩勝舊詩

誠齋

陳與義

皮日休

韋莊

野水瀰漫綠漲川
亂雲如獸出山前
天生一本徐熙畫
全是蓬萊十月天

于湖

韋莊

張芸叟

蘊常

錢清登舟

日落相攜上小舟
客程難盡水空流
蕭蕭細雨篷初閉
萬里一帆隨白鷗

徐師川

崔櫓

翁元廣

呂居仁

王昌國

浪跡悠悠到海鄉
人煙物景共蒼蒼
孤猿更發秋風裏
賴有從前石作腸

蕭德操

曉瑩

于湖

于湖

登盤陀石

盤陀石上少從容
秋色偏宜晚望中
欲賦勝遊無好句
獨搔蓬鬢立西風

蕭德操

曉瑩

于湖

于湖

宿天童


太白山頭月欲低
鵲棲不穩繞枝飛
坐來客子渾忘倦
却聽松聲聯翠微

韋莊

元晦

袁說友

孟郊



江湖小集卷七

欽定四庫全書

集部

江湖小集卷八至十一

詳校官中書臣張妣成

助教臣常循覆勘

覆校官主事臣龔敬身

校對官助教臣胡予襄

謄錄監生臣何需霖

謄錄貢生臣孔繼峯

欽定四庫全書

江湖小集卷八

釋紹嵩江浙紀行集句詩

咏梅五十首呈史尚書

西園道中梅花數百株將開欲落清絕可愛

嘗作一絕紀實云日色荒荒已倦哉假途那

更入山隈斗然自覺詩情好西園梅花爛熳

開同遊者願宿留求集句以盡吟賞之意因

得二十首後六日謁史尚書陪往觀梅續得
三十首遂併錄呈云

暖律還吹嶺上梅數枝先發日徘徊苔封曲徑無人到
付與春風自在開

韋莊

邵康節

許玠

東坡

白玉花頭碧玉枝茅簷竹塢兩幽竒從今日日須來看
看盡將開欲落時

呂居仁

晁叔用

誠齋

蔡襄

手種踈梅已發妍今年春色勝常年一枝清峭臨荒岸
輸與漁人繫釣船

劉改之

崔渡

王性之

王令

繞樹尋花得得來摩挲蒼石更徘徊題詩未有驚人句
謾想華光寫照才

鮑欽止

李彭

山谷

翁元廣

月榭風亭繞曲池野梅千樹壓踈籬暗香別有關情處
獨倚欄杆默自知

溫飛卿

誠齋

呂居仁

謝民師

竹外孤村坐見梅，直疑冰玉作根荄。
青鞋自笑無羈束，不記登臨日幾迴。

李印

翁元廣

陸游

曉瑩

曳履來登千仞峯，路分溪石夾煙叢。
晚香消歇水際處，盡在踈枝冷蘂中。

黃華

溫飛卿

東坡

王性之

水際空明月正圓，看花候月思依然。
暗香踈影渾無賴。

綽約水姿絕可憐

張君量

蔡襄

謝無逸

崔德符

洞水悲鳴無歇時
人稀景靜雪消遲
東風信有芳菲意
昨日梅花開一枝

陳與義

鄭谷

蘇軾

許洞

古寺高樓莫倚欄
小梅零落雪欺殘
一枝帶雨牆頭出
乞與時人畫裏看

陸游

鄭谷

謝無逸

朱晦翁

即看青女夜飛霜借與南枝作淡粧露重冰清風日暖
人間一味有真香

曉瑩

誠齋

徐師川

舒信道

再見山城石井邊幽姿高韻獨條然要知不被梅花笑
更把前題改數聯

王子俊

田豆

張君量

鄭谷

小寺鴉鳴日午時無人同趣獨支頤慙慙為注銅餅水
只蓼橫斜一兩枝

陳與義

翁元廣

張君量

誠齋

積翠千層一徑開
籃輿歇處見株梅
為君繞樹須千匝
謾使詩腸日九迴

方干

黃去華

寶曇

翁元廣

露裛幽花冷自香
此花儘更有商量
肌膚冰雪薰沉水
踈影寒光照野塘

皎然

誠齋

山谷

謝幼槃

玉樹交橫雪後天
新詩吟得百餘篇
郵筒不住如飛翼

送與襄陽孟浩然

司馬溫公

杜荀鶴

歐陽永叔

東坡

露冷霜乾玉骨寒，異香盈鼻酷如蘭。
清癯偶入騷人意，往往開窗盡日看。

謝無逸

司馬溫公

翁元廣

方干

籬落寒梅三四枝，水沉為骨玉為肌。
懸知此去長閑暇，看盡東風爛熳枝。

徐師川

山谷

呂居仁

王原父

鏤冰疊雪鬪輕盈，碧瓦朱欄相照明。
想得彭園富春色，數枝春色豈無情。

謝無逸

王欽臣

柴中行

曹緯

夜起荆扉趁暗香，林間梅下卜齋芳。
寒窻安著清相向，清殺東坡錦綉腸。

翁元廣

于湖

晚堂

誠齋

官梅一樹小池頭，繞著瑤芳看不休。
為語隣舟莫吹笛，水肌香骨未禁愁。

洪明父

林和靖

張君量

潘邠老

梅萼纔聞已亂飛
清香時被好風吹
苦無踈影橫斜句
空作主人惆悵詩

誠齋

虞祖南

李彭

韋莊

歲寒羣物慘無光
只有江梅獨自芳
倒挂烏藤乘逸興
倚欄看處自商量

林子來

田豆

曉瑩

翁元廣

一樹寒梅白玉條
傍巖隈石韻蕭蕭
詩辱無奈陳橋月

月照清香太易消

戎昱

王昌齡

陳克

皮日休

舍南舍北雪猶存
試對東風問小園
一夜小園開似雪
暗香浮動月黃昏

陳天錫

謝民師

朱貞白

林和靖

衰草連天慘淡黃
梅兼白雪一時芳
誰知老子懶成癖
花落花開已兩忘

顏棡

誠齋

曉瑩

蘇頌

梅花兩樹照春陰
花徑吹香可細尋
踈影橫斜水清淺
平生和靖最知音

陳與義

山谷

林和靖

張彥實

粲粲江南萬玉飛
隨宜領覽到斜暉
一枝縞色分明好
自是行人折贈稀

陳與義

曉瑩

劉淮

韓喜

亂點瓊葩艷艷明
半粘殘雪不勝清
春風十里梅花路
拄杖尋詩獨自行

馬子巖

林和靖

翁元廣

蘊常

叶氣先傳五嶺梅
新冰削玉辟風開
花前獨立無人會
一片異香天上來

李彭

于湖

趙嘏

李山甫

隔水深深幾樹芳
巧如施粉妬何郎
好風領略知人意
時去時來管送香

梅聖俞

徐師川

翁元廣

張芸叟

湖邊春色十分深
恨滿枝枝被雨霖
羌笛一聲何處曲

等閑驚起故園心

京鏜

韓偓

溫飛卿

林和靖

竹裏梅花映白頭
梅花欲動憶吾州
只今且為梅花醉
試問梅花可忍不

蘊常

陳與義

楊濟翁

張君量

傲雪凌風太瘦生
靜中無自色娉婷
何妨回絕老摩詰
畫我江行作小屏

張君量

楊伯子

總老

于湖

洛陽三十六峯西曾為梅花醉似泥今日偶題題似著
屋簷斜入一枝低

賈島

陸游

杜荀鶴

林和靖

岸木蕭疎野望寬小樓西角剩憑欄江邊一樹垂垂發
留與紛紛雪裏看

趙嘏

滕宗諒

杜工部

白傅

風餐雲虐長精神冷葉疎花次第勻今日含毫與題品
更無篇什寫清新

呂居仁

陳克

林和靖

林和靖

梅出稽山世少雙月中疎影

闕

中香夢回彷彿三更後

卧見瓊姿低壓墻

誠齋

俞紫玉

蘊常

李羣玉

小瓶春色一枝斜天下無雙獨此花
冰玉精神霜雪搽
寂寥相對是仙家

陳與義

劉原夫

翁元廣

林和靖

一徑蕭蕭松影低尋花覓路忽成迷
詩才雖乏三千首

聞見隨時入品題

蕭德藻

陳與義

張君量

趙紫芝

風靜寒塘花正開
直須冰雪作梯媒
時平不怕山荒寂
霜曉無人我獨來

劉滄

蕭德藻

翁元廣

岑參

定回猶覺幻身輕
更著梅花巧盡情
月上欄杆照孤影
一枝斜映小窻明

道潛

誠齋

李漢老

蘊常

瘦倚踈篁半出牆
天教春信到寒鄉
老人終歲閉門坐
月下風前自在香

惠理

晚瑩

蘇栢濟

楊濟翁

不隨桃李待春回
不待商量細細開
要識此花奇絕處
月明溪影亂毵毹

蕭德藻

道潛

陳去非

翁元廣

岸樹低歌一雪餘
此花風韻更清姝
江亭獨倚欄杆處
日影描窻作畫圖

誠齋

陳與義

裴夷直

誠齋

郊原空濶淨無塵且放千枝自在春借問梅花何處落

翠苔蒼蘚石磷磷

陳克

張栻

高適

林和靖

倚賴春風壓衆芳
枝枝灼灼爛生光
向來子美知如此
可是無心賦海棠

誠齋

方干

翁元廣

楊巨源

未落霜空眼底寬
一枝相映竹叢寒
不須更覓吳州畫

鏡裏雲山且共看

張君量

林和靖

蘊常

方干

獨吟高閣對官梅
春色先從筆底回
詩到揚州定清絕
不才羞作等閑來

謝逸

于湖

蘊常

王荆公

雪中舟泊五夫

天遣今年到五夫
瓊田千里玉平鋪
波中舡舫來還去
載取煙雲作畫圖

寶堂

誠齋

曉堂

馬子莊

橫山雨中戲作

春風相引與詩情
江上閑衝細雨行
最感橫山山上塔
幾回相送復相迎

皮日休

韋莊

誠齋

曉堂

道中即事

南浦東岡二月時
迸流穿樹墮花隨
春風掩映千門柳
多少長條拂地垂

山谷

鄭谷

李郢

滕邁

桐廬道中

錢塘江上到桐廬一帶溪山畫不如對景由來詩句麗
夕陽無雨淡烟飛

韋莊

顏棫

晚瑩

蘊常

夜聞杜鵑

竹塢無塵水檻清一更更盡到三更杜鵑不管人殘夢
雨外飛來頭上聲

李商隱

杜荀鶴

鮑德操

誠齋

江湖小集卷八

欽定四庫全書

江湖小集卷九

宋 陳起 編

釋紹嵩江浙紀行集句詩

舟中戲書

芳草青青古渡頭
扁舟幾日為詩留
心閑對境渾無競
寂寂長江萬里流

崔櫓

晁叔用

趙紫芝

蓋嘉運

十二峯前且繫船
眼中百里舊山川
遙知此夕多情思

江月隨人處處圓

呂居仁

祖可

山谷

溫飛卿

郊行

默默看雲旋旋行
風光清美日華明
愁腸斷處春何限
勾引詩人太瘦生

韓偓

誠齋

溫飛卿

謝逸

花落江堤簇曉烟
遊人柳外蹙鞦韆
直須分付丹青手
畫出清明二月天

鄭谷

繆瑜

方干

韋莊

出門縱步細哦詩正是山中多景時
顧我於茲詩有興
流鶯百轉最高枝

曉瑩

陳與義

曉瑩

溫飛卿

舟泊嚴灘

萬里春流繞釣磯
扁舟繫柳向朱扉
悠然到此忘情處
默默無言對落暉

趙嘏

袁說友

溫飛卿

謝逸

江上

春岸波平汀草深
江雲黯黯作愁陰
詩材眼界知多少
欲罷不能聊一吟

李彭

曉瑩

張君量

曉瑩

桐廬理舟

桐廬江上晚潮生
帆挂秋風一信程
萬里歸船弄長笛
斷腸重看白鷗鳴

李鄴

杜荀鶴

山谷

蘊常

再遊道場

萬仞峯頭古道場
重來敗葉帶飛霜
感時偏動騷人興
橘柚園籬近半黃

劉棻

李彭

李宗諤

翁元廣

放舟戲書

放纜山溪一葉輕
樹頭半落半猶青
竹間飛下雙鷗鷺
天作人間小畫屏

誠齋

誠齋

誠齋

盧襄

兩岸蕭蕭蘆荻秋
斜風細雨轉船頭
年來頻作江頭夢
須向山陰上小舟

劉夢得

山谷

山谷

杜工部

見張明府

聲采當年陸士龍
為官古雅少人同
柱天勲業須君子
更用文篇續國風

翁元廣

林和靖

陳與義

方干

善政忻聞老父評
甘棠不剪嚮來榮
佇看孤潔成三考

千古無人繼盛名

翁元廣

曉瑩

方干

方干

宏博自居韓若柳素王妙道况親傳聖朝未有徐州相
莫讀當時歸去篇

翁元廣

曉瑩

陳無已

方干

雅淡天姿固可知能除疾瘼似良醫道途誇客無他語
道是徵黃有近期

曉瑩

方干

翁元廣

誠齋

江表人材獨數公
南朝臺閣是家風景
星但欲爭先覩
還許從容廣坐中

曉瑩

和靖

翁元廣

道潛

賀黃少府受辟

天下無雙雙井黃
妙齡聯轡戰文場
東南一尉懼仙外
清試君家肘後方

誠齋

張君量

翁元廣

于湖

風流文采舊家聲
玉麈高談四座傾
他日親知問官况

三年民戴尉曹清

誠齋

歐陽永叔

杜荀鶴

翁元廣

一鷄新收薦士書從今價重百車渠麒麟步舞開天上
會見含香近紫虛

于湖

李彭

道潛

寶曇

柳

江頭楊柳麴塵姿斜壓漁家短短籬日暖遊絲飛絮落
和風得路合偏吹

李彭

崔櫓

李彭

秦韜玉

舟中戲書

喬木荒城古渡頭
烏啼花落水空流
從吾所好煙波上
祇在船中老便休

皇甫冉

劉罔

徐師川

杜荀鶴

題林唐臣別業

茅屋週迴松竹陰
依稀氣象似山林
二窻風月生涯足
相與清名映古今

杜荀鶴

方干

張君量

翁元廣

遊張園觀海棠戲作

春色都將付海棠
羣仙會處錦屏張
約齋妙出春風手
子美無情為發揚

誠齋

張芸叟

誠齋

鄭谷

越上卽事

禹穴生雲朝暮奇
青山斷送夕陽垂
鶯聲正好還飛去
獨倚枯筇無限詩

陳與義

蘊常

誠齋

陳與義

知府黃寺簿生日

綠楊紅杏滿城春
雜樹含芳讓錦茵
天為吾皇宗社計
老君親送石麒麟

楊巨源

方干

李師中

宋景文

春來何事謫蓬瀛
自是山河應數生
尚父年齡子儀考
請君從此振朝纓

孫僅

方干

誠齋

于湖

文章士海已多傳供奉班中須此賢美化事多難諷誦
自宜松鶴伴長年

翁元廣

李彭

杜荀鶴

楊滌

器度風操合出塵高賢應總貴全真野僧何以伸謠詠
鶴筭三千別有春

韋莊

林和靖

修靜

邵康節

邦伯由來有令名修持清苦振佳聲至尊仄席思耆舊
即看徵黃侍紫清

夏倪

方干

趙賜

誠齋

筆端風雨發天慳
應有清名動九關
正直早春聞苦節
只今文翰許誰攀

陳與義

張君量

方干

翁元廣

惠愛如春威似霜
家傳活國有良方
平章風物詩無敵
玉唾銀鈎十萬行

和靖

張君量

曉瑩

誠齋

從容此日見清規
玉珮瓊琚杜拾遺
樵李轉聞風教好

蒼生從此得伸眉

方干

誠齋

方干

曉瑩

文星漸見射台星
仙籍高標第一名
為語邦人休眷戀
北門卧護要耆英

杜荀鶴

韋莊

張君量

誠齋

自笑無機觸事真
衰遲猶許望光塵
此邦若有誅茆地
乞借風波起涸鱗

曹緯

錢勰

胡安國

鄭文勰

口占

谷口殘春黃鳥稀
野梅山杏暗芳菲
百千幽勝無人見
紅白路花相雜飛

錢起

韋莊

和靖

宋庠

城西野行

三月城西淑景多
曉烟清露暗相和
晚鐘未用催歸鴈
聞客新亭更可過

徽廣

陸龜蒙

翁元廣

皇甫冉

細草踈花自在春悠悠煙水似天津垂楊一徑深深去
白鳥雙飛不避人

張君量

方干

誠齋

方干

江上嬉行和永上人

飛花滿眼句縱橫江上閑吟立又行正是如今江上好
薰風盡日語流鶯

張君量

曉瑩

韋莊

劉原父

解嘲十絕呈浩西堂

殘骸已廢自知休
少不愁窮老豈愁
坎止流行聊爾耳
一身隨世作虛舟

李涉

徐師川

翁元廣

山谷

世緣自覺逐時輕
可要王侯知姓名
未合白頭今已白
知渠何事太忙生

劉潛夫

方干

杜荀鶴

誠齋

江湖放浪未寧居
處世真同逐隊魚
但願一生長若此
時清不問命何如

翁元廣

洪玉父

徐師川

杜荀鶴

可堪時序苦侵尋，留滯誰知此日心。
萬事轉頭如墮甌，忘懷未得是微吟。

曉瑩

曉瑩

山谷

和靖

中年養病只吟詩，心跡懸知兩握竒。
莫笑吾儂耽此癖，鏡中贏得鬢成絲。

邵康節

翁元廣

曉瑩

徐師川

浩然南北與西東，自笑今為白髮翁。
畢竟浮生謾勞役，

一場大夢到頭空

翁元廣

歐陽永叔

杜荀鶴

邵康節

嵌巖世路九回腸
兩鬢年深一鏡霜
身事龍鍾應是分
誰知貧樂異尋常

翁元廣

鄭谷

賈島

翁元廣

不知經世竟如何
轉看人情敗意多
賴有好山供客眼
此生吾亦未蹉跎

溫飛卿

易嘉猷

張君量

張君量

杜門芳草與蒼苔
况是囊無挑藥財
莫歎浮生三十九
人間萬事要寒灰

和靖

翁元廣

陳克

李彭

平居懶與慢相親
養拙藏愚春復春
已信此心安此命
世情奈值不容真

李彭

李夢符

張鑑

杜荀鶴

浩西堂見和因再用韻

無錢使鬼故宜休
已失裝懷萬斛愁
况有西湖好山水

金
卷九
一帆還有上歸舟

陳與義

李彭

林和靖

林和靖

老景人情一羽輕
絆身何用尚浮名
備嘗世事灰心久
更問儂當作麼生

晁叔用

曉望

易嘉猷

誠齋

蕭條四壁是閑居
老子而今非故魚
大抵人生只如此
只消如此看何如

方干

寶曇

邵康節

劉改之

鏡中老色日侵尋更有江湖萬里心心許故人知此意
為吾因掉白頭吟

徐師川

呂居仁

溫飛卿

邵康節

每慚踈散為吟詩說破當知未大竒似此誤人多少事
如何兩鬢不成絲

康節

誠齋

康節

誠齋

行盡天涯西復東大家閑作卧雲翁紛紛燕雀休相羨
得喪悲歡盡是空

黃華

杜荀鶴

趙國昌

溫飛卿

笑殺人來斷殺腸
可憐贏得鬢成霜
人情易變乃如此
祇有江山不改常

誠齋

晁瑩

呂居仁

翁元廣

道方險阻擬如何
今古踈愚似我多
否去泰來終可待
尚須客裏訪蹉跎

韓偓

方干

韋莊

楊濟翁

小園和雨掃莓苔
箇箇圓如濟世財
丘壑同盟從此定

莫談休咎動寒灰

呂居仁

鄭谷

李彭

翁元廣

沙邊鷗鷺日相親
老去光陰非我春
百巧從來知是妄
獨援詩筆得天真

翁元廣

陳克

蘇頌

和靖

示德圓

莫問居此與名殊
未可唐捐肘後書
晝短夜長須強學
青春不再汝知乎

杜荀鶴

翁元廣

杜荀鶴

余良弼

作詩固難集句尤不易前輩有云不行萬里路莫讀杜甫詩一杜詩且病其難讀而况集諸家之詩乎亞愚嵩上人穿戶於詩家入神於詩法滿心而發肆口而成玉振大成默詣諸聖處人目其詩固不知其為集句而上人亦不自知也抑猶有妙於此者青出於藍而青愈於藍蓋諸家之體製各隨其所至而形於言今觀亞愚之集千變萬態不枯於所見如所謂老坡之詞一句一意

蓋不可以定體求也雖然愚固喜其詩然亦有不平於
上人者焉夫以無為為有以有識為無此固宗風箕裘
之業顧乃攙行城市嘲風弄月與我輩抗衡是果何見
也上人浩然歎曰君之言過矣孔墨之道本相為用况
予由儒入釋也非為釋而盜儒也如闕山齋易文昌闕
東山楊大師諸公皆不我棄予方以詩而與君友君反
以詩而怒我也君苟釋然於心請為我書之於集句之
首或有不知我而罪我者當以此公案為之張本予於

是乎慨然為之書亦以為雌黃者之戒云紹定四年季
夏中澣從事郎監慶元府昌國縣西監鹽場宣城陳應
申跋

江湖小集卷九

欽定四庫全書

江湖小集卷十

宋 陳起 編

葉紹翁靖逸小集

登謝履亭贈謝行之

亭在天竺

君家靈運有山癖平生費却幾緡履從人喚渠作山賊
內史風流定誰識西窓小憇足力疲夢賦池塘春草詩
只今履朽詩不朽五字句法誰人追天台覽遍興未已
天台山前聽流水秦人稱帝魯連恥寧向蒼苔留履齒

乙庵行之

自號

是渠幾世孫登山認得屐齒痕摩挲苔石坐

良久便欲老此品之根吾儂勸渠且歸去請君更學遙

遙祖遙遙之祖定阿誰曾出東山作

音

霖雨乙庵未省

却問儂莫是當年折屐翁

西湖秋晚

愛山不買城中地畏客長撐屋後船荷葉無多秋事晚
又同鷗鷺過殘年

題鄂王墓

萬古知心只老天英雄堪恨復堪憐如公更緩須臾死
此局寧輸八十年漠漠凝塵空偃月堂堂遺像在凌煙
早知埋骨西湖路學取鷓夷理釣船

聞頂山徐道人改卜

先生新卜宅只許白雲知野蜜和蜂割巖花帶蝶移坐
諳苔石穩醉忘木橋危屋後寒梅放因風寄一枝

游園不值

應嫌屐齒印蒼苔十扣柴扉九不開春色滿園關不住

一枝紅杏出牆來

仙興

金書宮殿玉闌干
雪瀑泉飛洞口寒
日莫仙翁騎鶴去
碧桃花滿石碁盤

秋日遊龍井

引道煩雙鶴
携囊倩一童
竹光盃影裏
人語水聲中
不雨雲常濕
無霜葉自紅
我來何所事
端為聽松風

出北關二里

脫衣命僕洗塵埃
離落人家未見梅
出得城門能幾步
船頭便有白鷗來

野蝶

銀為鬚翅粉為肌
驅役春風不解肥
桃李上林無分到
可憐却傍菜花飛

嘉興界

平野無山見盡天
九分蘆葦一分烟
悠悠綠水分枝港
撐出南鄰放鴨船

煙村

隱隱煙村聞犬吠欲尋尋不見人家只於橋斷溪回處
流出碧桃三數花

石頭感古

夷甫諸人者龜趺已故丘但能揮玉麈不解冠兜鍪
正朔從江左經營僅石頭中原雖可望不忍上層樓

葛天民隱居

種竹成新列移蘭即舊陰老鐫猶有耳古柳已無心得

句添杯滿貪爐到夜深篝燈聊點校春水沒衣砧

用其辭意

九日呈真直院

秋風吹客客思家破帽從渠自在斜腸斷故山歸未得
借人籬落種黃花

貴遊

五陵年少儘風流十日安排一日遊林下幽人差省事
筆床茶竈便登舟

寓居

雲補青山缺琴銷白日長鷗從雨外沒蛇入樹間藏客
久衣常黑童鬢髮半黃螢多隣舍少此意自淒涼

又

無酒難留客借書方入城洗衣知水落貪睡畏窻明野
竹藤纏殺枯枝草寄生十年林下隱差覺世緣輕

田家三詠

織籬為界編紅槿排石成橋接斷塍野老生涯差省事
一間茅屋兩池菱

田因水壞秧重插家為蚕忙戶緊關黃犢歸來莎草闊
綠桑采盡竹梯閑

抱兒更送田頭飯畫鬢濃調竈額煙爭信春風紅袖女
綠楊庭院正鞦韆

送馮濟川歸蜀

勇喚東吳萬里船阜囊來奏九重天一官豈為蘇洵冗
諸老寧容賈誼先滿載月歸應有命便耕雲去豈無田
竹枝歌罷蓬窓掩到此相思倍黯然

賦葛天民栽葦

葉礙漁舟入叢分水國寬
低回藏鷺渚鬚鬚釣魚竿
蕩戶和萍送溪翁當竹看
所憐如許節不耐雪霜寒

田舍小憇

犬馴迎且吠兒小笑還啼
櫻熟施魚網桑空卧竹梯
枯枝禽啄折野草鹿眠低
屋後登山路牛欄更向西

青溪閣

江總能文士空貽狎客名
舊墳荒草占廢圃野人耕
古

柳無多樹新蟬第一聲青溪固亡恙依舊與孤城

訪隱者

不作王門夢來敲隱者關童先孤鶴化雲伴一身閑碍
笋新移路低墻為看山幾回松下去鋤得茯苓還

幽居書事

總開雙佛塔水遶數漁家酒剩沾鄰里時平買釣車童
閑惟伴鶴樹老自成槎枕上關心事侵晨掃落花

訪龍井山中村叟

雨打荒籬豆莢垂柴門未啓立多時客來自掘蹲鷓煮
旋拾枯松三數枝

西溪

一條橫水過前溪村女齊登採葉梯獨立衡門春雨細
白雞飛上樹梢啼

和葛天民呈吳韜仲韻賦其庭館所有

江遠潮痕細城回路勢斜竹行穿細笋風墮過牆花篆
葉蟲留字銜泥燕理家主
人清到骨相對只杯茶

敬陪直院右史上已後一日西齋之集

清時天上詔書稀
曲水從游許布衣
挿羽滿浮寒食酒
倚欄回憶故山薇
碧桃繞觀春風靜
柔櫓搖汀夕照微
慨想蘭亭如昨日
沙鷗飛下釣魚磯

贈陳宗之

官河深水綠悠悠
門外梧桐數葉秋
中有武林陳學士
吟詩銷遣一生愁

十載京塵染布衣
西湖烟雨與心違
隨車尚有書千卷

擬向君家買却歸

題山間老友壁

山間雖寂靜未得事全無鋤地留莎草添泉養石蒲
除風自掃身世月同孤老去知禪味松間試結趺

寄湖上黃教

佑甫

門幽緣近寺官冷未成家樓借山為障風吹水作花
詩方酌北碕經又寫南華聞說新雛鳳賓來解喚茶

表忠觀韓小官人

觀裏韓瘋子無心似有靈繞廊時自語捫虱故忘形午
暴松簷暖晨飧栢葉青客來知有饋迎笑立中庭

夜書所見

蕭蕭梧葉送寒聲江上秋風動客情知有兒童捉促織
夜深籬落一燈明

訪隱者

開門迎客著山袍井畔彌猴一樹桃兒向草間尋落菓
妻從墻角送香醪舊栽松子今能大音墮新起茅堂不甚

高歷遍貴遊無此味韭和春雨笋和糟

題孫端甫別墅

幽居地僻少人知野水春風枳樹籬
檢歷預尋移竹日題牆閑記種花時
堪嗤狡兔須三窟只學鷓鴣占一枝
淨掃綠苔斟濁酒鄰家吹過野棠梨

寄趙蒼翁二首

兩度馳書未報音溫陵尺紙定千金
多應驛使曾相訪短艇煙波無處尋

君王未肯賜西湖鷗鷺叢中借地居
惟悴風姿今釣叟
痴心猶望故人書

紙帳

五色流蘇不用垂
楮衾木枕更相宜
高眠但許留禪客
低唱應難著侍兒
白似雪窻微霽後
暖於酒力半醺時
蒲團靜學觀身法
歲晚工夫要自知

謁半山祠

歸去田疇問老農
力行新法竟何功
已知佛供追前過

尚惜修書謝數公，塑像難陪夫子辟。
古祠誰訪覺王宮，都來二百年間事。
燕麥戎葵幾度風。

過崇德

野塍泉自注，斷岸柳空存。
雨霽雲開塔，船過犬吠門。
柴扉斜著水，草徑別通村。
翻羨田家樂，盈盈老瓦盆。

鷺

無事時來立葑田，幾回鷺去為歸船。
霜姿不特他人愛，照影滄波亦自憐。

詠先牌

相隨萬里途汝豈被名驅掛壁疑何用辭家不可無店
翁先洒掃津吏認稱呼舉子無錢刻惟將片紙糊

舟次崇德

倦身只合卧家林客裏消磨感慨心水國逢春梅未見
山城到午霧猶深地名不記維舟問酒味曾諳入巷尋
泛宅浮家何日了莊頭栽竹已成陰

發長安堰

金定日人三言
卷十
夏老虫聲切晨興草氣香買瓜依綠樹出水刺青秧船
聚知村近牛閑覺晝長雙鳧蓮葉蕩無雨故生涼

苔錢

家貧地上却錢流朽貫年深不可收若使用之堪買爵
等閑門巷亦封侯

江湖小集卷十